

Image not found

<https://letteraturaeuropea.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > MARCABRU > EDIZIONE > Emperaire, per mi mezeis > Tradizione manoscritta > CANZONIERE A > Edizione diplomatica

Edizione diplomatica

[c. 31vB]

Marcabruns

E Mperaire p(er)mi mezeis. Sai qan uostra proeza creis. Nom sui ies tarzatz del uenir. Que iois uos pais epretz uos creis. Eiouens uos ten baut efreis. Qeus fai uostra ualor dechir.

Pois lo fills de dieu uos somo. Qel uengetz del ling farao. Ben uos endeuetz esbaudir. Coutrals portz failen libaro. Lo plus de conduich ededo. Eia dieus nols en lais gauzir.


Mas encels delai es romas. Adops despai gna edel uas. Endeuetz ben lafan sofrir. Els sarrazis tornar atras. Edel aut orguoill foruenir. Edieus er ab uos al fenir.

Als amoraus fai conort. P(er)las poestatz doutral port. Qan pres una tela adordir. De drap denueia edetort. Editz cadaus qasamort. Enfant desapart deuestir.

Mas delai nant blasme li ric. Camon lo soirn elabric. Mol iazer esoau dormic. Enos sai segon lo prezic. Conquerrem de dieu p(er) afic. Lonor elauer elmerir.

Trop sen uan entrels cobeitan. Aicill que uergoigna nonan. Eis cuion ab lauzar cobrir. Et ieu dic lor segon semblan. Qel cap derrier els pes denan. Los couen dels palaitz issir.

Perpauc marcabrus non trasaill. De io-uen qan p(er) auer fail. Ecel q(ue) plus lama acullir. Qan uenra al derrier badaill. En milmarcs non daria un aill. Sil li fara lamortz pudir.

	[c. 32rA] A l lauador de portegal. Edel rei nauar atre tal. Ab sol que barsalonais uir. Ues tole ta lemprial. Segur poirem cridar reial. Epaiana gen desconfir. S i non fosson tant gran li riu. Als amora-uis fora esqui. Epogram loro ben pleuir. Esatendon lo recaliu. Edechastellal seignoriu. Cordoaiill farem magrezir. M as fransa peitau ebeiriu. Aclina unsol seignoriu. Ueigna dieu saison fieu seruir. Qieu non sai p(er) que princes uiu. Sadieu no uai son fieu seruir.
--	---

- letto 2581 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-202>